

Na sala de comisións “Otero Pedrayo” do pazo Parlamento de Galicia réunese a Comisión 3ª, Economía, Facenda e Orzamentos, o día 20 de setembro de 2024, ás 10:30 horas, logo da convocatoria remitida para o efecto.

Asisten as persoas que se relacionan a seguir:

**Mesa:**

Noa Olalla Presas Bergantiños  
(Presidenta)  
Gonzalo Trenor López  
(Vicepresidente)  
Manuel Santos Costa  
(Secretario)

**Vogais:**

**Grupo Parlamentario Popular de Galicia (P):**

Juan Manuel Casares Gándara  
Miguel Fidalgo Iglesias  
Julio García Comesaña  
Patricia García González  
María Dolores Hermelo Piñeiro  
(en substitución de José Alberto Pazos Couñago)  
Noelia Pérez López  
Cristina Sanz Arias

**Grupo Parlamentario do Bloque Nacionalista Galego (BNG):**

Ramón Tomás Fernández Alfonzo  
Rosana Pérez Fernández  
María Montserrat Prado Cores  
(en substitución de Óscar Insua Lema)  
Brais Ruanova Vilas-Boas

**Grupo Parlamentario dos Socialistas de Galicia (S):**

María Elena Espinosa Mangana  
Patricia Iglesias Rey

**Outros intervenientes:**

Carlos López Font

**Comparecente:**

Directora da Axencia Tributaria de Galicia-ATRIGA

**Letrado:**

Juan Carlos Caride Puente

A señora presidenta abre a sesión e rógalle ao señor secretario secretario que lle dea lectura á relación de membros titulares da Comisión para os efectos de comprobar a existencia de quórum de constitución.

Logo da constatación deste a Presidencia dá conta da entrada no Rexistro do documento número 11606, polo que o G.P. do Bloque Nacionalista Galego solicita o aprazamento da pregunta número 7310, aprazamento que se acepta por asentimento.

- 1.1            7310 (12/POC-001104)**  
**Grupo Parlamentario do Bloque Nacionalista Galego**  
**Insua Lema, Óscar e 5 máis**  
**Sobre a eventual licitación en 2024 do tramo Salto-Berdoias da autovía AG-55, a suficiencia da partida destinada a esta actuación e as previsións relativas á execución desta obra, así como sobre o sistema de financiamento, construción e xestión da infraestrutura**  
***Publicación da iniciativa, BOPG n.º 64, do 09.08.2024***

Aprazada por petición dos seus autores (documento número 11606, que se xunta á acta como anexo).

**Punto 1.    Preguntas**

- 1.2            7818 (12/POC-001332)**  
**Grupo Parlamentario dos Socialistas de Galicia**  
**Iglesias Rey, Patricia e Espinosa Mangana, María Elena**  
**Sobre os beneficios das rebaixas fiscais dos gobernos de Núñez Feijóo e Alfonso Rueda practicadas no imposto sobre o patrimonio e as consecuencias para os servizos públicos da mingua da recadación**  
***Publicación da iniciativa, BOPG n.º 67, do 14.08.2024***

Intervén a **señora Iglesias Rey, Patricia (S)**, que procede á formulación da iniciativa, con ampliación das argumentacións expresadas por escrito e publicadas no Boletín anteriormente citado.

Para a súa resposta intervén por parte da Xunta de Galicia a **directora da Axencia Tributaria de Galicia-ATRIGA, (Consellería de Facenda e Administración Pública), Sonia Lafont Sendino**.

Na rolda de réplica a **señora Iglesias Rey (S)**, agradece a información recibida, aínda que discrepa e formula novas consideracións en base á mesma.

Pecha o debate da iniciativa a **directora da Axencia Tributaria de Galicia-ATRIGA, (Consellería de Facenda e Administración Pública), Sonia Lafont Sendino**, que

amplía os datos facilitados na súa anterior intervención e responde ás consideración plantexadas pola señora deputada.

*A Presidencia agradece a presenza e colaboración da señora Lafont Sendino nesta sesión da Comisión e desculpa a súa ausencia se desexa retirarse da mesma.*

## **Punto 2.   Proposicións non de lei**

### **2.1           10275 (12/PNC-000968)**

**Grupo Parlamentario do Bloque Nacionalista Galego**

**Fernández Alfonso, Ramón Tomás e 6 máis**

**Sobre as actuacións que a Xunta de Galicia debe levar a cabo en relación co conflito laboral xerado na empresa concesionaria do transporte urbano que presta servizo na comarca de Ferrol**

***Publicación iniciativa carácter urxencia, BOPG n.º 78f1, do 06.09.2024***

A Presidencia concédelle a palabra ao **señor Fernández Alfonso, Ramón Tomás (BNG)**, que procede á defensa da proposta expresándose en termos semellantes aos que aparecen por escrito e que están publicados no Boletín Oficial do Parlamento.

A esta proposición non de lei non se presentaron emendas, polo que, aberta a rolda de grupos parlamentarios pola Presidencia, intervén en primeiro lugar o **señor López Font, Carlos (S)**, para xustificar o apoio do seu grupo parlamentario á iniciativa.

Nesta mesma rolda intervén a **señora Pérez López, Noelia (P)**, quen, logo de matizar moitas das afirmacións realizadas polos voceiros que a precederon no uso da palabra, motiva o rexeitamento do seu grupo á proposta de referencia.

O **señor Fernández Alfonso, Ramón Tomás (BNG)**, fai usoda rolda de puntualizacións para agradecer o apoio anunciado polo grupo da oposición, logo de amosar a súa discrepancia cos argumentos expostos pola voceira do grupo maioritario.

Finalmente, a Presidencia procede á votación da proposición non de lei:

**2.1   10275 (12/PNC-000968), G.P. do Bloque Nacionalista Galego.** Sométese a votación o texto resolutivo orixinal, que resulta **rexetado** por:

**Votos a favor:..... 7**

**Votos en contra: ..... 9**

**Abstencións: ..... 0**

Esgotada a orde do día, a Presidencia agradece o traballo dos grupos parlamentarios e dos servizos da Cámara, e levanta a sesión.

Remata a sesión ás 11:35 horas.

**V. e pr.**  
**Noa Olalla Presas Bergantiños**  
**Presidenta da Comisión**

**Manuel Santos Costa**  
**Secretario da Comisión**